

Autora local ta publica na Ingles riba un tema di amor hopi interesante y inusual!



ORANJESTAD (AAN)
Precisamente Dia 14 Februari 2015 dia di amor y amistad, Sra Jerseline Granviel Ansano a lansa su buki cu tin e tema di amor den un forma no comun ni masha conosi, esta e tema di compasion. Jerseline ta conoci pa tur como Jessy Granviel. Jessy a nace na Corsou. Segun e tabata crece Jessy a atrae hopi amistad pa motibo di su naturalesa carismatico y su amor pa hende. Pe mes motivo tambe el a sufri hopi dolor, rechazo y hasta abuso. Cu forsa di Dios el a sobrevivir y despues prospera. Cura y motiva pa e amor y compasion di Jesus el a haya curashi pa comparti su curason experiencia y erornan pa yuda hende muhernan prospera den nan relacion cu nan mes, cu otro y cu Dios. Jessy ta biba na Aruba pa 25 aña caba. Unda entre otro el a asisti su esposo den dirigi campamento y eventonan social na Centro Juvenil Washington. Tambe el a traha na Radio Victoria como host di un programa di mucha y mas despues como co-anfitriona di e programa **□ Dos Placa Di Palabra □**. Pa mas cu 30 aña, Jessy a funciona como oradora special na conferencia di hende muher na Aruba, Antiya y internacional. Na Aruba el a papia tambe na scolnan y simposionan nacional, pa hoben y mayornan. Su charlanan ta cubri temanan social, di famia, bida cristian y relacionnan. Jessy su prome buki ta un di recetan di su mama, yama: "Nos herencia". E di dos buki aki, ta di instruccion spiritual skirbi na ingles titula;



□ Dare to Model Christlike Compassion. □ E buki aki ta siña bo con domina e arte di acepta, stima y anima na luga di huzga esnan cu a hasi bo dolor of a comete un eror. Jessy gusta lesa, traha puzzel, aerobics, cushina y biaha. Actualmente e ta sirbiendo Dios como casa di Pastor y ta dedica na su esposo, 3 yiu y 7 nieto.

ORGUYO

Miangela Ras di CEDHEM durante e conferencia pa presentacion di e buki di Jerseline Granviel, a splica cu nan a acepta esaki mesora.

E prome cos cu el a haci tabata acepta e buki pa asina lesa esaki. E buki ta toca diferente cos intimo di un persona. E mes a para keto pa mira con tiki compassion nos tin cu nos mes segun Miangela Ras di CEDHEM.

Mester siña compassion cu bo mes na prome lugar y djey yuda otro. Sandra Brown directora di CEDHEM a splica cu nan ta orguyoso di señora Jerseline Granviel. Nan tey hopi biaha den grupo pa e charla di CEDHEM. E soño awe a bira realidad ora el a presenta su buki segun Sandra Brown. Dare to Dream.

Na di CEDHEM a splica cu nan tey pa sostiene y yuda hende pa logra nan meta den bida. E buki a wordo presenta na ingles y Papiamentu tambe. Sandra Brown awor a haya e yudanza y empodera pa skirbi pa hende. Pesey mes awor mas cu nunca e directora di CEDHEM ta kere cu mescos cu Jerseline Granviel lo sigui traha riba su buki cu pa hopi tempo el a pone un banda. Dare to Model... ta obtenibel cerca Jessy mes y pronto na Boekhandel nan local. Pa bo pedido yama, telefon 5857239 of 5657678.